



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q.1. An conferentes Officia publica Sæcularia, si assumant indignos, vel  
minùs dignos relictis dignioribus, aut dignissimis, peccent mortaliter, & ad  
restitutionem teneantur?

**urn:nbn:de:hbz:466:1-41144**

## C A S U S X I I I .

*De acceptione personarum, collatione, & venditione  
Officiorum Sæcularium publicorum.*

**M**agistratus Macedonianus in conferendis publicis Officiis sæcularibus sæpè promovet indignos, vel minus dignos, & idoneos, relictis dignioribus, aut etiam dignissimis. Subinde ejusmodi Officia vendit emptoribus plus offerentibus, nulla habitatione majoris dignitatis, & aptitudinis ad illa administranda: Unde

**QUÆR.** I. *An conferentes Officia publica sæcularia, si assumant indignos, vel minus dignos, relictis dignioribus, aut dignissimis, peccent mortaliter & ad resurrectionem teneantur?*

**QUÆR.** II. *An hujusmodi Officia publica sæcularia licet vendi possint?*

**QUÆR.** III. *Quibus in casibus locum habeat acceptio personarum?*

**A**D I. Q. R. i. eos, qui indignum eligunt ad Officia sæcularia majoris momenti, ex quibus multum pendet Reipubl. bonum, uti sunt Officium Gubernatoris oppidi, Prætoris, Judicis, Consiliarii, Commissarii Capitanei, Quæstoris &c. per se pecare graviter, & teneri Reipubl. resarcire damna inde secuta. Ita communis DD. teste Less. l. 2. cap. 32. dub. 3. Lug. D. 34. §. 2. Valentia D. 5. q. 7. pun. 2. §. 6. Sot. l. 4. de just. q. 6. a. 3.

Ratio est, i. quia Officiorum

Collatores, ut sunt Principes, Gubernatores &c. ex debito sui Officii tenentur ex justitia procurare Reipublicæ Ministros idoneos, cum ratione talis Officii stipendia, & tributa accipiant à populo, sicut Oeconomus, cui gubernatio domus commissa est, tenetur ex Officio, atque adeò ex justitia conducere famulos, & operarios idoneos. Idem est, si hujusmodi Officia ex commissione conferantur; quia qui ex commissione aliquid facit, non minus tenetur, quam qui commissiōnē dedit, nam hoc ipso, quod commissiōnē, seu mandatum

tum acceptet, se ipsum obligat ad illud ritè exequendum.

Conf. Principes, & Gubernatores tenentur ex justitia Rempublicam rectè administrare, & quantum commodè possunt, ejus damna impedire: hoc autem facere non possunt, nisi ejusmodi Officia conferantur idoneis ministris, & Officialibus, cum pleraque per tales ministros abeunda sint, & executioni mandanda: ergo si indigos præficiant communitati, peccant contra justitiam, & tenentur resarcire damna, quæ inde patitur Communitas, aut Respubica; qui enim causam damni dat, damnum fecisse censetur, *cap. ult. de injuriis.*

R. 2. Si Collator, omissis aptioribus, & dignioribus Officium conferat minus dignis, minusque idoneis per se peccat quidem graviter, non tamen tenetur ad restitucionem, siquidem tales verè digni sint, & idonei. Ita Sotus *q. 6.t. Solon. q. 63. a. 2.* Less. *l. c.* Valentia *l. c.* Eman. *Sà V. electio.* Turrian. *D. 28.* Dian. Sylv. Petr. Arragon. Malder. Rebell. Reginald. Villalob. aliquie. Quòd peccet, ratio est,

1. Quia injuriam quamdam facit digniori præferendo ei minus dignum; qui enim aptior est, magis jus habet; hoc ipso enim, quòd eligendus sit Officialis ex tali Communitate, jam Communitas & partes illius habent jus aliquod ad il-

*R. P. Leonardelli Soc. Jesu.*

lud officium, tanquam bonum commune juxta merita singulorum distribuendum; hæc tamen injuria est duntaxat contra justitiam distributivam, cuius jus consistit solum in majore aptitudine, & proportione ad bonum distribuendum; non verò contra justitiam commutativam, quæ sola obligationem restitutionis inducit, & populū, quando ministerum habet idoneum, non confert invitus rationabiliter stipendia, siquidem ea meritò dignis ministris conferuntur.

2. Quia constituendo ministros minus idoneos, quando aptiores non desunt, collator facit contra fidelitatem, quam debet Reipubl.; tenetur enim saltem ex fidélitate procurare ministros quam maximè idoneos, si potest, sicut Oeconomus, si fideliter officium suum præstare velit, tenetur conducere operarios, & ministros aptiores Domino suo, & quam maximè idoneos, quantum commodè potest: Unde sicut hic graviter peccaret contra fidelitatem Domino suo debitam, si in conducendis operariis solum spectaret, ut pro suo affectu, ac favore suos amicos, & notos promoveret relictis aliis, qui longè plus prodeßent Domino suo; ita graviter peccant collatores, qui ad officia Reipubl.eos duntaxat promovent, qui Sanguine, & amicitia ipsis juncti sunt, vel munera obtulerunt, & privatis ipsorum intentiō-

M

nibus

nibus melius deserviunt, relictis aliis longè aptioribus, siveque præferentes commoda privata utilitati communi contra fidem Reipubl. datam,

Accedit, quod plerumque graves nascantur offensiones & alienationes subditorum à Superioribus ob ejusmodi officiorum collationes, quæ interdum multorum sunt causa malorum, quæ ex officiis male administratis persæpè oriuntur. Demum nisi in conferendis hujusmodi officiis summa cura adhibeat, sensim Respubl. implebitur ministris inidoneis, politicis, ambiciofis, avaris, qui sua, & suos dunatxat current, & promoveant, commune bonum negligant, omnia ad privatas suas intentiones dirigant, ipsumque jus, & fas, justitiam, & Religionem aurò venalem habent; ex quibus nihil aliud, quam justitiae, & Reipubl. eversio expectari possit, ut notat citt. Less. cum aliis.

R. 3. quando officium conferatur indigno, prætermisso digno, vel digno; præterito digniore, collator non tenetur aliquid restituere digno, vel digniori prætermisso. Ita cum citt. DD. Covar. hic part. 2. §. 7. n. 6. Navarr. man. cap. 17. n. 73. Adrian. in 4. de restit. q. 15. aliquie. Ratio est, quia Superior ita confrens officium non peccat contra justitiam commutativam respectu prætermislorum, sed solum contra justitiam distributivam, quæ non

inducit obligationem restitutionis; dignus enim, vel dignior, antequam ei Officium collatum sit, non habet jus ad ipsum, neque in re, hoc est, quasi possideat illud; neque ad rem, quasi possit Collatorem in judicium vocare, ut ei Officium conferat; ut adeò nulla hinc detur obligatio justitiae commutativæ, ac proin nec obligatio restitutionis, saltem extra concursum.

Ad 2. Q. an hujusmodi Officia 84 publica sacerdotalia vendi possint? Negativè respondent Medina de rest. q. 4. de usur. Adrianus in 4. q. de usur. §. ex his Less. cap. 32. dub. 4. Turrianus in 2. 2. tom. 2. D. 23. dub. 2. Angles quia ex voluntate Reipubl. talia Officia distribuenda sunt dignioribus, qui magis, meliusque bonum publicum promovere possunt. Sed

Dicendum est, etsi per se loquendo, & spectata natura rei possint ea vendi; quia hujusmodi Officia, cùm non sint res spirituales, sed humanæ, & pretio æstimabiles, non est, cur per se vendi non possint; hinc videmus Barones, Comites, & Duces vendere suos titulos, status &c. ut probat consuetudo; Nihilominus non expcdire ea vendere, eorumque venditionem plerumque illicitam esse, & perniciosa. Ita Cajetanus v. officiorum venalitas. Sotus l. 3. q. 6. a. 4. Tanner. D. 4. de justit. q. 8. dub. 2. Diana part. 3. miscell. tr. 1. R. 108. aliquie communiter